

歷代內侍考

歷代內侍考卷之

夏 景 宗

宋

竇神寶

竇神寶父思儼五代時為內侍宋初皇城使兄神興左領軍衛大將軍致仕神寶初為黃門太平興國中從征太原據甲登城中流矢稍避入內高品監并州戍兵屢出襲賊前後破砦三十六斬千餘級大獲鎧甲牛馬橐駝因築三砦詔褒之九年命與尹憲屯夏州時岌伽羅膩等十四族久叛神寶率兵大破之焚其廬帳斬千餘級虜獲甚眾雍熙中朝廷遣使綏宥麟府州募

邊部願攻契丹者，賜以金帛。神寶上言：「狼子野心，由此或生邊隙。」乃止。俄轉殿頭高品，淳化中，使河東，閱視堡柵，兵騎募容德。豐自邢臺徙延州，未至，郡詔神寶來傳權州事。環州近邊，內援與陳德玄討之，破牛家族二十八部。且規度通遠入靈武路，就命環慶同駐泊牛家族，復結衆叛，又破之，殲餘黨於極泉鎮。獲其渠帥九人，西戎寇郿，以援之之勞，遷供奉官，與田紹斌部送靈州芻糧。即命駐泊，李繼遷入寇，與慕容德、豐襲破其堡砦，焚帳幕，獲人畜數萬計。連詔嘉獎，遷內殿崇班。至道初，繼遷再寇靈武，神寶遣人間道告急關下，賊圍之歲餘，地震二百餘日，城

中糧糗皆竭潛遣人市糴河外甯運以入問出兵擊賊賊引去
以功拜西京作坊副使又命于浦洛河清遠軍援蜀糧與楊允
恭議造小車三千運糧至瑛州三年遷西京左藏庫使副出使
靈武還奏對稱旨而援供備庫使咸平中出為高陽關鈐轄徙
貝蕪巡檢會原州野狸族三千餘衆徙帳于順成谷大蟲堪與
熟魏族接戰詔神寶和治之至則宣其經界遣悉還舊地入為
內侍右班副都知真宗朝陵留與劉承珪同掌大內事大中祥
符初勾當三班院又掌諸王宮事遷西京左藏庫使領密州教
史兼掌往來國信神寶莅職精恪性吝畝畜貨鉅萬天禧初以

皇城使罷內職三年卒年七十一錄其子守志為入內供奉官
論曰史稱宋待宦者甚嚴然自太平興國中神寶已典兵出
鎮矣夫軍容神策前車非遠宋之初政明於鑑方鎮而閑於
防內臣嚴禁閑童而忽於干軍旗創制立摹可謂無遺其乎
則童貫梁師成之禍毋亦作法者貽之咎耳

王仁詹 李神福 李神祐

王仁詹不知何許人年十餘歲事太宗於晉邸服勤左右甚淳謹及即位宣傳指揮頗稱旨歷入內小底都知洛苑副使命典宮闈出納之命最居親近嘗與柴禹錫等發秦邸陰事雍熙四年被疾遣太醫診視卒年四十一歲特贈內侍省內侍宋朝以來內侍都知押班不領他職淳化至道後皆內殿崇班以上兼充多至諸司使有領觀察使者沒皆有贈官官給葬事舊制內侍人許養一子以充繼嗣開寶四年以其爭財起訟詔自今滿三十無養父者始聽養子仍以其名上宣徽院違者準前詔抵

死咸平中徐志通為溫台等處州巡檢坐取李歡男四人為假子又縱卒畧民家小兒致其母抱兒投海死決杖配掃灑班復申前詔以戒厲之

李神福開封人父繼昊仕後唐為內侍顯德初為御厨都監時內臣止以服色為貴太祖特賜紫後至右領軍衛將軍神福少給事晉王府謹恪解上意未嘗少怠太宗即位授入內高品從征太原攻城之際往來梯衝間宣傳詔命即行在所遷殿頭太平興國六年擢入內高品押班遷副都知勾當翰林司轉入內內班都知兼勾當祇候內品班淳化四年遷崇儀副使勾當皇

城司屬初易黃門之號轉入內黃門都知俄加宮苑使太宗好
筆札神福每侍側多獲別本之賜及不豫神福朝夕左右躬視
藥膳真宗即位遷皇城使內侍省入內內侍都知領恩州團練
使勾當永熙陵行宮事時模寫太宗聖容以神福立侍未幾求
罷都知加昭宣使勾當皇城司賜第宮城側遣修內工為葺之
咸平二年秋閱兵東郊以神福為大內都部署是冬幸大名與
王繼美並為行宮使四年勾當三班部修含光殿賜賚甚優景
德初兼領親王諸宮使三年改宣政使泛謁諸陵復為行宮使
進幸西京賜醕命神福主其事大中祥符初天書降夕神福與

劉承珪、鄧永遷、李神祐、石知顯、張景宗、藍繼宗同直禁中。賜以
器幣、綬錢。京師酺會，又令神祐與白文肇、閻承翰同典之。是歲
封泰山，與曹利用同經度行宮道路及車駕進發，又為行宮使。
禮畢，授宣慶使、鎮昭州防禦使。整肅禁衛，先是諸司使止於宣
政，故特置使額以寵之。三年卒，年六十四。贈潤州觀察使。神祐
性恭慤和易，每為衛紹欽所詬罵，皆引避不校。在禁閤五十年，
稱為長者。然久掌三班，無規制，遠近失叙，有請託者不能拒之。
人譏其所守。子懷斌、懷燦、弟神祐。
神祐初以父任授殿頭高品。太祖將納孝章皇后，命神祐奉聘。

禮於華州。乾德五年，征太原，負御寶泛行。開寶二年，又泛征太原。時有詔緣邊和市軍儲，車駕在潞州，聞之，且慮擾民，令神祐馳驛止之。時詔下已五日，神祐一夕而及晉陽。一日，甲士既陣，賊潛縱火焚梯衝，亟命神祐部衛兵為援，斬賊甚眾，餘悉潰去。王師代廣州，隨軍賞給劉銀平。先部帑藏之物赴京師，及土寇周瓊等叛，又副尹崇珂討平之。六年，隨曹彬南征，克開城，擒偽將朱令贇。命神祐馳入獻捷書，賜錦袍、金帶。太宗即位，遷南作坊副使。錢俶歸朝，命神祐往按府藏之積，再征太原，領工匠千人隨駕以備繕完。甲兵劉繼元表納降款。太宗陳儀衛城北臺。

以受之。繼元移時未至，神祐馳單騎入城，俄頃引繼元至。及北伐燕薊，命與劉廷翰統精騎為大陣之援，車駕還，又令率兵屯定州，以備契丹。太平興國六年，滑州治河防材芻，命神祐馳往垣曲伐薪，蒸四百萬以濟其用。七年，契丹寇邊，命領兵屯瀛州。俄改崇儀使，提點左右藏庫，遷洛苑使。至道初，西鄙不寧，命為靈瑛排陣都監，率衆至烏白池而還。俄駐永興，復護糧運，抵朔方。真宗即位，轉內園使，邠州都監，車駕北巡，改天雄軍都監。子城內巡檢。時北兵充斥，道途阻塞，命神祐單騎諭密旨於諸將，敵騎數百忽至，神祐乃周麾而呼，若召伏兵，敵懼而逃，遂

達其命。俄充邢州排陣都監。勾當西八作司。景德初。上幸澶州。領隨駕壕砦三年。遷入內都知。泛京封還。遷南作坊使。時內侍將遷秩。有扈泛升山不升山。或不預泛祀者。令神祐第其勤狀。上親閱而叙遷之。有范守遜。皇甫文史。崇貴。張延訓等。皆嘗有譴累而互陳勞效。且言神祐等品第非常。泣訴於上。止而復來者數四。守遜等先改內常侍。上怒。悉停其官。神祐洎石知顥。副都知張景宗。藍繼宗。並坐削職。尋掌御厨。七年卒。年六十六。大中祥符六年。錄其孫永和為三班奉職。神祐性謹愿。曉音律。頗好篇詠。子懷岳。太宗時嘗請為道士。後復內侍。多屯邊郡。常持

大鐵鞭以關賊屢中流矢至供奉官懷儀為內殿崇班

論曰內侍侍左右供使令一謹愿足矣矣問材請哉王仁詹李神福神祐內侍之以謹愿聞者也神福有犯無赦在禁閤五十年稱長者不虛耳神祐銜命隨軍頗著勞勩而品第扈從實滋多口若仁詹發秦邸陰事謹愿者亦為之邪服勤老右傳宣稱旨蓋黜而愿出之者也巧於微寵矣

王繼恩

王繼恩陝州陝人周顯德中為內班高品初養於張氏名德鈞開寶中求復本宗太祖召見許之因賜名焉累為內侍行首會討江南與竇神興等部禁兵及戰船抵采石九年春改裏面內班小底都知賜金紫十月加武德使太祖崩副杜彥圭案行陵地尋充永昌陵使太平興國三年遷宮苑使久之領河州刺史掌軍器弓槍庫雍熙中王師克雲朔命繼恩率師屯易州又為天雄軍駐泊都監自歧溝關君子館敗績之後河朔諸路為契丹所擾城壘多圯四年詔繼恩與翟守素田仁朗郭延濟分路

按行增築之。及遣將北伐。又為排陣都監。屯中山。改皇城使。端拱初。領本州團練使。又為鎮定高陽關兩路排陣鈐轄。淳化初。賜甲第一區。五年。加昭宣使。勾當皇城司。李順亂。成都命為劍南兩川招安使。率兵討之。軍事委其制置。不從中覆。管內諸州繫囚非十惡正賊。悉得以便。宜決遣。二月。命馬步軍都軍頭王杲。趣劔門。崇儀使尹元由峽路分遣討賊。並受繼恩節度詔。前軍所至。其賊黨敢抗王師者。即須殺戮。如本非同惡。受制兇徒。先被脅送。今能歸順者。悉釋其罪。四月。繼恩由小劔門路入。研石砦。破賊斬首五百級。逐北過青疆嶺。

州進破賊五千。于

柳池驛斬千六百級賊衆望風奔走殺戮溺死者不可勝計又克閬綿二州五月至成都破賊十萬餘斬首三萬級獲順及鎰甲僭偽服用甚衆朝議賞功中書欲除宣徽使太宗曰朕讀前代史書不欲令宦官預政事宣徽使執政之漸也止可授以他官宰相力言繼恩有大功非此任無足以爲賞典上怒深責相臣命學士張洎錢若水議別立宣政使序位昭宣使上以授之進領順州路防禦使繼恩握重兵久留成都轉餉不給專以宴飲爲務每出入前後奏音樂又令騎兵執博局棋枰自隨威振郡縣僕使輩用事恣橫縱所部剽掠子女金帛軍士亦無鬥志

餘賊迸伏山谷間。州縣有復陷者。太宗知之。乃命入內押班衛紹欽同領其事。又遣樞密直學士張鑑。西京作坊使馮守規。東傳督其捕賊。議分減師徒。出蜀境。以使糧運高品王文壽者。隸繼恩麾下。繼恩遣領虎翼卒二千。分遂州路追討。文壽御下嚴急。士卒皆怨。一夕卧帳中。指揮使張嶠遣卒排闥入。斬文壽首以出。會夜昏黑。嶠猶疑其非。然炬照之。曰是也。時嘉州賊帥張餘有眾萬餘。嶠即以所部與之合。賊勢甚盛。初奏之。太宗欲盡誅軍人妻子。近臣或請勿殺。悉索營中書。遣帥招撫。諭以釋罪。親屬皆全。必自引來歸。因可破賊。上然之。令巡檢程道符諭旨。

亡卒斬嶙。函首送繼恩。皆自拔來歸。因使為鄉導。擊賊。悉平之。至道二年春。布衣韓拱辰詣闕上言。繼恩有平賊大功。當秉機務。今止得防禦使。賞甚薄。無以慰中外之望。上大怒。以拱辰惑眾。杖脊黥面。配崖州。俄召繼恩。太宗崩。命與李神福按行山陵。加領桂州觀察使。繼恩初事太祖。特承恩顧。及崩。夕。太宗在南府。繼恩中夜馳詣府。叩請太宗入。太宗忠之。自是寵遇莫比。喜結黨。邀名譽。東間或敢言薦外朝臣。由是士大夫之輕薄好進者。沒之。交往。每以多寶院僧舍為期。有藩閭者。能詩咏。賣樂京師。繼恩薦之。召見。賜進士第。尋察其狂妄。追還詔書。及真宗初。

繼恩益豪橫頗欺罔漏泄機事與參知政事李昌齡結題往來
多請託至有連宮禁者素與胡旦善特將加恩密委其為褒辭
又士人詩頌盈門上惡其朋結點為右監門衛將軍均州安置
籍沒貲產多得蜀土僭擬之物昌齡責忠武軍節度行軍司馬
旦削籍長流尋州詔中外臣僚曾與繼恩交識及通書尺者一
切不問咸平二年卒於貶所遣使將其家屬還京師假官舍處
之四年聽歸葬大祥符三年特詔追復官爵以白金千兩賜其
家子懷珪轉入內高班

論曰患得患失鄙夫恒情耳顧有以英明之主操馭世之柄

而不能謹顰笑公賞罰令節夫得伺隙而中之則亦英主之
過也王繼恩初事太祖特承恩顧及其大漸輒宵馳南府則
已弁髦舊君而眈眈焉盱新主之豫以自鳴矣若太宗之崩
吾君有子而敢結黨與熒母后欲援立久廢之楚王以為已
功叢微大臣鎖閣則定策國老幾續亡唐而真宗之不為武
功者幸耳嗚呼小人懷寵何所不至獨惜太宗之中於繼恩
而不悟也雖嘗切責宰相黔配拱辰而我政聽其需制繫因
委之需決飲博監音樂弗問也僕使恣橫弗問也縱所部剽
掠弗問也交士夫薦朝紳弗問也張嶠叛潘閭狂孰轄之而

孰引之弗問也夫英明之主尚德其忠而餌其術而維恩之
術售之太祖而効售之太宗而又効得不欲更售之楚邱以
釣奇也故夫馭世者必類其比而可矣

武功郡
王德昭

劉承規

閻承翰

張崇貴

張繼能

衛紹欽

石知顯

石全彬

鄧守恩

劉承規字大方，楚州山陽人。父延翰，內班都知。承規建隆中補高班。太宗即位，超拜北作坊副使。時衆帥陳洪進歸朝，遣承規疾置封具府庫，會土民嘯聚為寇。承規與知州喬維岳率兵討定之。太平興國四年，命與內衣庫使張紹勅等六人帥師屯定州，以備契丹。又護滑州決河。雍熙中，勾當內藏庫兼皇城司，出為廊延路排陣都監。改崇儀使，遷洛苑使。至道中，與周瑩同簽書提點樞密宣徽諸房公事，仍加六宅使。承規懇辭，帝雖不許。

而嘉其退讓真宗立瑩為宣徽使以承規領勝州刺史簽書宣徽院公事尋讓宣徽之務加莊宅使咸平三年遷北作坊使時遼境未寧議修天雄軍城壘命承規來傳經畫又命提舉內東崇政殿等諸門遼宮苑使上詢承規西事請益環州本波鎮戍兵以為諸路之援泣之俄兼勾當群牧司景德二年與李允則使河間按視嘗經戰陣等處將卒之勞是歲置官提舉京師諸司庫務以承規領之所創局署多所規制改皇城使與林特李溥儀更茶法四年三司上言新課增羨承規以勞加領昭州團練使大中祥符初議封泰山以掌發運使遼昭宣使長州防

禦使會修玉清昭應宮以承規為副使祀汾陰渡命督運議者以自京至河中由陸則山險具舟則湍悍承規決議水運凡百供應悉安流而達自朝陵東封及是皆留掌大內禮成當進秩表求休致手詔敦勉仍作七言詩賜之拜宣政使應州觀察使五年以疾求致仕脩宮使丁謂言承規領宮職藉其督轄望勿許所請第優賜告詔特置景福殿使名以寵之班在客省使上仍改新州觀察使上作歌以賜承規以兼使月廩歸於有司手詔褒美復宣殿使奉以給之本名承珪以久疾羸瘵上為取道家易名度厄之義改珪為規疾甚請解務還私第聽之仍許皇

城常務上印日內藏庫有制就取商度又再表求罷官檢校太傅左驍衛上將軍安遠軍節度觀察留後致仕七月卒年六十四廢朝贈左衛上將軍鎮江軍節度謚曰忠肅承規事三朝以精力聞樂較簿領孜孜無倦自掌內藏僅三十年檢察精密動着條式又製定權衡法語在律曆志性沉毅徇公深所倚信尤好伺察人多畏之上崇瑞命修祠祀飾宮觀承規悉預聞作王清昭應宮尤為精麗屋室有不中程雖金碧已具必毀而更造有司不敢計所費二聖殿塑配饗功臣特詔塑其像太宗之側承規遇事亦或寬恕鑄錢工常訴本監前後盜銅瘞地數千

斤承規佯為不納因密遣人發取還官不問其罪咸平中朱昂杜鎬編次館閣書籍錢若水修祖宗實錄其後修冊府元龜國史及編暑讐校之事承規悉典領之頗好儒學喜聚書間接文士質訪故實其有名於朝者多見禮待或密為延薦自寢疾惟以公家之務為念遺奏求免贈賻詔葬上甚嗟惜之遣內臣與鴻臚典喪親為祭文王清昭應宮成加贈侍中遣內侍鄧守恩就墓告祭于從愿為西染院使

閻承翰真定人周顥德中為內侍入宋事太祖以謹愿稱太宗時擢為殿頭高品稍遷內侍供奉官內殿崇班先是八作司材

木頗有隱弊承翰建議於都城西置事材場治材以給之雍熙
中知廣州徐休復奏轉運使王延範不執狀遣承翰馳往同逮
捕下獄就鞠之考掠過苦延範遂坐誅李順亂蜀命為川陝招
安都監賊平授西京作坊副使會增募金吾兵以承翰及劉承
蘊分充左右金吾都監兼街仗司事俄罷之真宗即位改西京
作坊使內侍左班副都知咸平三年河決鄆州王陵婦遣承翰
護塞時議徙鄆州以避河患又詔承翰與工部郎中陳若拙來
傳規度徙於舊治之東南五年入內都知韓守英為鎮定高陽
關三路排陣都鈐轄上以其素無執守議別擇人因謂宰相曰

承翰雖無武勇然泣事勤恪乃今代守英時中山屯兵甚眾艱
於飛輓承翰請鑿渠計引唐河水自嘉山至定州三十二里又
至蒲陰東六十二里合沙河經過吳泊入界河以濟饋運亦可
旁為方田上嘉而浚之渠成人以為便優詔褒之景德初契丹
謀寇順安軍承翰奉詔發雄霸精兵與荆嗣張延同築壘禦之
俄又遣詣德清軍規度重修城壘車駕北征承翰先在澶州北
城奏契丹兵在近請不度河上不聽但駕度浮橋二年加領康
州刺史勾當群牧司多條上馬政遂兼群牧副使時契丹結好
始置國信司主交聘之事以承翰領之多所規置大中祥符初

改西京左藏庫使充夏州趙得明加恩官告使還請於蒲洛河
置館以待夏臺進奉使上以荒遠勞役不許四年遼內園使左
班都知領獎州團練使有西京左藏庫使副趙守倫久典厩牧
至是又掌估馬與承翰聯職任雖素為姻家然不相得遂各訟
訴並付御史臺承翰坐擅用群牧司錢當贖金三十斤守倫坐
違制移估馬司當免所居官典吏當杖脊詔寬其罰承翰贖金
十斤守倫贖金二十斤典吏亦降笞杖群牧都監張繼能判官
陳越田穀勾當麒麟院楊保用估馬楊繼凝皆釋之制置使陳
堯叟特免按問六年上製內侍箴賜之承翰表請刻石省中明

年建應天府為南京作鴻慶宮設太祖太宗像遣承翰自京奉
往授南坊使入內都知未幾卒年六十八贈懷州防禦使承翰
性剛疆所至過於檢察之和懿之譽子文應西京左藏庫使
張崇貴真定人太祖時為內中高品稍遷殿頭太平興國中以
善射選為御帶錢俶納土命馳往閱城防儲待之數親征太原
逆崔彥進李漢瓊先路視水草端拱初補內供奉官淳化四年
命來傳之延州招晃戎之內附者發庫錢犒給以金幣賜酋領
將行轉內班右班押班就命管勾廊延屯兵李繼隆討李繼遷
詔崇貴以延安兵犄角進討及擒趙保忠留崇貴與石霸守綏

州從平夏民以實之。繼遷扼索馳路，驅脅內屬戎人。崇貴與田敏率熟倉族，仇遇戰於隻埴，殺二年餘級，掠牛羊索馳鎧甲甚衆。連詔褒諭，繼遷走漢中，遣其將佐趙光祚、張浦求納，疑會於石堡砦。崇貴雄牛醜酒，犒諭之，給以錦袍帶，會改內班為黃門，命為黃門右班押班，仍加內殿崇班。又改黃門為內侍，職隨易焉。既而繼遷貢索馳名馬待罪，遣崇貴往賜器幣茶藥衣物。至道元年，進崇儀副使、內侍右班副都知。時繼遷復叛，劫芻餽於蒲洛河。二年，詔李繼隆大發師進討，賊圍靈州急。太宗將棄之，廷議未決。命崇貴與馮訥乘傳往議其事，乃益兵固守，就命為

靈瑒慶州清遠軍路監軍。又為排陣都監。真宗立。拜洛苑使。右
班都知。管勾并州軍馬。自至道後。五路討賊。兵戰相繼。卒無成
功。及是。保吉復脩貢詔。以宣難。節度授之。命崇貴持詔。命衣帶
器幣。以賜使還。加六宅使。咸平元年。又命管勾廊延屯兵。泊延
安。改駐泊都監。又為鈐轄。其後繼速復興。熟戶李繼福為際。因
緣內援。崇貴與張守恩擊之。焚廬舍。獲貲畜器甲。生口甚衆。又
興王榮。禦賊。獲具裝馬數十匹。再詔褒飭。四年。詔歸俄。領獎州
刺史。復泣廊延。仍制置沿邊青白鹽事。與衛超領軍入敵境。焚
廬舍。帳幕。獲廩糗牛羊。復被詔獎。崇貴屢調契丹事。傳遞以聞。

願身當一隊為前鋒。詔不久。景德元年。保吉死。其子德明尚幼。崇貴移書諭朝廷。思信德明。請俟釋服。稟命。詔書慰撫。以向敏中為緣邊安撫使。自是邊防事宜。經制大小。皆崇貴專主之。築臺保安北十里。許召戎人會議。與之盟約。二年春。召赴闕。面授方略。許德明以定難節度西平王。賜金帛。緡錢各四萬。茶二萬斤。給內地節度。奉聽回圖往來。放青鹽禁五事。而令德明納靈州土疆。止居平夏。遣子弟入宿衛。送畧去。官吏盡散。蕃漢兵及質口封境之上。有侵擾者。稟朝旨。凡七事。德明悉如約。惟以子弟入質及納靈州為難。故亦禁鹽如舊。不許回圖。三年九月。以德明

誓表來上。崇貴因請入朝許之。以功拜皇城使、內侍、左右班都知、領博州團練使。又特旌節誥命授德明太常博士。趙湘爲之副。四年使還。會車駕上陵。次瓊林苑。崇貴對於苑中。即命爲行宮使。是秋復還延安。供奉官曹信時監邊軍。信善琴。崇貴與石普軍中宴集。令信奏之。信以久廢爲辭。崇貴與普因撫其他過。以聞。真宗知其誣奏。不問。太中祥符元年加昭宣使。崇貴久在邊。善識羌戎情偽。西人畏服。每德明有所論述。及境上交侵。皆先付裁制。夏州趣邊有二路。其文移至環慶者。皆付延州議焉。嘗請置緣邊安撫使。如北面之制。上曰。西部別無經營。苟德明

能守富貴無慮朝廷失恩信也增置署局徒為張皇不若委卿
靜制之二年上言久去鄉里願得告歸葬父母許之錫與甚厚
復命為都鈐轄提舉權場崇貴乞留京師面諭委屬之意聽
歲入奏事四年八月卒年五十七帝悼惜之贈豐州觀察使內
侍護喪還京師子承東梁院副使

張繼能字守拙并州太原人父贊晉末為內班繼能建隆初以
黃門侍禁中太平興國初為內品從征河東命主城南洞屋以
勞遷高品契丹入寇命為高陽鎮宣路先鋒都監從崔彥進戰
長城口多所俘馘明年又與彥進敗契丹於唐興口轉殿頭高

品雍熙中夏州叛命李繼隆為銀夏都部署以繼能監軍俄徙
護定州屯兵領驍捷卒三千屯五四嶺端拱初遷入內殿頭逆
趙保忠討李繼遷保忠薦其有材命與保忠同經略其事代還
掌內弓箭陣淳化三年與白承睿護易粟入靈武會繼遷復寇
邊命繼能承睿與知靈州侯延廣領驍卒五千同主軍務俄留
為本州都監及鄭文寶議城威州清遠軍繼能護其工役異命
與西京作坊副使張延洲同知軍事又與田紹斌同掌積石砦
就遼內供奉官靈瑗清遠軍排陣都監與西人轉鬥敗走之
復還清遠詣闕奏事遂內殿崇班未幾拜供備庫副使復遣護

瑛州屯兵徙涇原儀渭都巡檢使真宗即位遼宗儀使靈瑛十
州軍馬兵都監兼巡檢安撫使咸平三年王均之亂命為川陝
兩路招安巡檢使成都平留為利州招安巡檢尋召歸會銀夏
寇警復為邠寧駐泊都監夏人寇清遠軍營於積石河繼能與
楊瓊馮守規在慶州逗遛不時赴援致陷城堡又焚棄青岡砦
特詔下御史府免死長流儋州景德二年會赦還為內侍省內
常侍又為陝西捕賊巡檢獲千餘人改內殿崇班逆朝陵為行
宮四面巡檢四年宜州卒陳進為亂初知州劉永規敗下嚴酷
課澄海卒伐木葺州廨數不中程即杖之至又卒妻孥趣山林

以米者雖甚風雨不停其役故進因衆怨殺永規及監軍國鈞
擁判官盧成均為帥據其城七月奏至詔東山閣門使忠州刺
史曹利用供備庫使賀州刺史張煦為廣南東西路安撫使如
京副使張澐古及繼能副之虞部員外郎薛顏同勾當轉運事
發荆湖蘄黃州兵討之上語近臣曰番禺寶貨雄富賊若募驍
果立謀主沿流東下趣廣州則為患深矣遣內侍高品周文質
使廣州監屯兵會隣路巡檢使控要路集東西海戰糧扼端州
峽口賊悉衆來攻柳城縣殿直韓明許貴却惟和以所部兵十
餘禦敵明貴死之惟和僅以身免成均奉宣州印遣使詣舒贛

求赦罪。是夕進復臨柳城。官軍退保象州。賊又寇懷遠。軍知軍
殿直任吉與邕桂巡檢殿直張宗寶侍禁張守禁擊走之。賊退
而復集者累日。吉鞏固守。屢與開大獲其器甲。又攻天河砦。砦
兵甚少。監軍奉職錢吉部分嚴整。一戰敗之。賊眾屢斲頗潰去。
眾心携二將棄宜州。以家屬之悼耄者五百人。隕江中。率其眾
裁三千趣柳象。將入容管。初至柳州。限江不能度。知州王昱望
賊遁走。城遂陷。朝廷以詔書四十分。揭要路。諭賊歸順者。悉釋
其罪。賊挈族居思順州。分兵攻象州。利用命入內高班于德潤。
以千兵倍道襲逐。利用等繼至。遇賊武備縣之李練。鋪賊初不

知覺惟進率眾來拒直犯前軍前軍寄班侍班郭志言麾騎士左右縱擊賊衣順水甲執標牌以進飛矢攢鋒不能却前軍即持棹刀巨斧破其牌史崇貴登山大呼曰賊走矣急殺之賊心動眾遂潰遂北至象州城下賊皆猶有據長竿瞰城中者成均始弇其族以詔書來降乃斬進并其黨生擒賊帥六十餘人斬首級獲器甲戰馬甚眾利用分兵捕餘寇遣于德潤馳奏其事授利用引進使煦如京使泣古莊宅副使繼能供備庫使志言供備庫使又以御前忠佐馬步軍副都軍頭郭全豐為都軍頭領勤州刺史歸遠軍士于殺進者李昊劉宗趙敏並補本軍頭

張守榮為供奉官階門祇候張崇實仕吉並為供奉官錢吉為
右侍禁又以知象州大理寺丞何邴最有勞優拜祠部員外郎
賜緋又賜邴三子知道知古知常出身邴之親屬同扞寇者悉
甄叙之邴象州為防禦使初賊攻象州城在高丘上素無井開
壘之日皆以乏水為慮賴天雨停水將竭而雨復下如是者兩
月汲之以濟山之中無烽候每欲破賊即禱於城西神祠或見
巨蟒吞龜是日果有克獲眾以為神靈助順之應張守榮俄病
瘴遣尚醫馳往視之未至而卒贈如京使錄其子官十二月餘
寇悉平東封留繼能為京舊城內巡檢鈐轄俄加東染院使大

祥符二年入內都知李神福等坐事悉罷擢繼能入內侍省副都知時宗室多召侍講說書上嘉其勤學令講誦日別給公膳專遣繼能主之俄又與內殿承制岑保正提點郡縣主諸院事三年兼群牧都監祀汾陰留掌大內兼舊城內巡檢鈐轄俄領會州刺史謁太清宮為天書扶持都監七年以疾求解職不許命為涇原儀渭鎮戎軍兩路鈐轄未幾徙廊延都鈐轄先是內屬戶殺漢口者止罰孳畜繼能則麗於常法繇是西人畏而不敢犯德明雖受朝命而羌部不絕寇境繼能日課卒截竹為簽署字其上且言以備將士記殺獲功狀賊聞之甚懼歸朝復

泣群牧仁宗在儲功嘗親書一幅賜之繼能以聞真宗亦為標
題其末人以為榮九年坐前護修莊穆皇后陵推臨左授西染
院使掌往來國信天禧初復西京左藏庫使國信司吏陳誠者
頗巧黠繼能欲援置群牧司而誠先隸群牧坐事停職至是群
牧吏左宗挾其宿負白制置使曹利用故誠不遂所求繼能怒
宗之沮已密遣親事卒偵宗會宗弟元喪妻宗嘗為假敦駿軍
校馬送葬及還元抵飲肆與酒保相毆繫府中而假馬之事未
發誠即白繼能請屬府中并劾其事知府樂黃目受屬獄未就
為群牧副使楊崇勳所發繼能坐罷內職降授西京作坊使出

為邠寧鈐轄。繼能自陳，不願外任。得掌瑞聖園，尋領往來國信。所三年，復為西京左藏庫使、內侍、右班副都知。未幾，遷崇儀使。以衰老求解職，轉內園使，掌瓊林苑。五年卒，年六十五。特贈汀州團練使，錄其子懷忠為大理寺丞。孫述為三班奉職，繼為借職春坊祇候。繼能性沉密，知兵，頗勇敢，喜讀書，然好治生。晚年急於聚蓄，眾以此少之。何卽後歸朝，知磁州而卒。一子知崇，裁十餘歲，特補大廟齋郎。又徙其侄平夷尉知古為滏陽尉，省郎無賞延之例，猶以城守勞，故甄叙焉。

衛紹欽，開封人。父漢超，內侍高品。紹欽始以黃門給事，晉即太

宗即位補入內高品。甚被親倚。征太原。命督諸將攻城。劉繼元降。命領驍卒先入城。燒其營柵。遷殿頭高品。雍熙二年。擢入內西頭供奉官。淳化中部。修皇城。功畢。授內侍押班。五年。加崇儀副使。李順之亂。王師致討。與王繼恩同領招安捉賊事。遇賊關學射山南。又攻清水壩。破。裴流砦。招降數萬衆。斬千餘級。順死。餘黨保險為寇。又與楊瓊先扼要路。以邀之。擒斬萬餘人。獲器甲槍槊千餘。遣別將曹習領兵捕餘賊於安國鎮。斬三百級。時嘉眉二州賊尚擾城郭。又遣內殿崇班宿翰討之。兩川平。召還。深被褒勞。真宗嗣位。拜宮苑使。領愛州刺史。充入內副都知。

修奉永熙都監既復土遂為陵使景德二年改皇城使泛幸河
朔命為車駕前後行宮四面都巡檢次澶淵命領扈駕兵守河
橋三年加昭宣使朝諸陵復為行宮巡檢駐洛陽命為皇城内
外都巡檢歷掌三班院皇城儀鸞翰林司卒年五十六紹欽苛
愎少恩不為眾所附太平興國中江東有僧詣闕請修天台壽
昌寺且言寺成願焚身以報太宗允其請命紹欽往督營繕既
訖役遽積薪於庭請僧如願僧言欲見至尊面謝紹欽曰昨朝
辭日親奉德音不煩致謝僧惴怖偃蹇顧道俗望有救之者紹
欽即促令躋薪上火既盛僧欲投下紹欽遣左右以叉抑按而

焚之子承慶至內殿承制

石和顯真定人曾祖承渥梁尚食使祖守忠晉內供奉官父希
釋高品和顯形貌甚偉建隆中授內中高品太宗即位改供奉
官雍熙中諸將征幽薊以和顯隨軍歸掌儀鸞司淳化中明州
初置市舶司與蕃商貿易命和顯往經制之轉內殿崇班親王
諸宮都監從王繼恩平蜀寇就遷西京作坊副使咸平初遷正
使帶卸器械契丹犯邊上北巡命為天雄軍澶州巡檢使俄改
德博等州緣河巡檢使兼安撫加領長州刺史三年戍鎮定高
陽關三路押大陣是冬改高關駐泊行營鈴轄歸朝後掌親王

諸宮事景德中自京抵泗遣使治河堤命總其役初計工累月
及是決日而畢上面加褒諭賜白金千兩投入內都知大中祥
符初遷內園使俄以定內侍遷秩品第不當為其列所誣坐罷
都知三年為并代州鈐轄遷莊宅使徙鎮定高陽關鈐轄四年
命興崇殿崇班張繼能供奉官侍其旭同修太祖神御殿上封
求覲闕下復掌群牧司三班院親王諸宮事天禧二年為并代
州鈐轄兼管勾麟府路軍馬事三年卒年六十九孫全彬
全彬字長卿以知顯奏補入內小黃門累遷西頭供奉官仁宗
使致香幣於南海密詔察所過州縣吏治民俗還具以對帝以

為忠謹陝右群盜殺鳳州巡檢遣往擒滅之元昊叛全彬監廊
州兵救延州解圍去經略使明鑑言其勇略善將得邊人清除
并代州都監加內侍押班進鈴轄徙廊延還為押班儂智高寇
廣南以為湖南江西路安撫副使出桂林請於宣撫使狄青願
獨當一隊以自效於是使將佐分兵力戰於邕州南方平領綿
州防禦使張貴妃居寧華殿閣命全彬提舉妃薨治喪過制皆
劉沆王洙與全彬共為之數月進宮苑使利州觀察使給兩使
留後奉俄為入內副都知知制誥劉敞封還詞命居三月復授
之轉領信武軍留後為永昭陵鈴轄時去永宣復土四十二年

有司多亡其籍。全彬以心計辨治。遷福延宮使。提舉奉先院。熙寧中卒。年七十六。贈太尉。定武軍節度使。謚曰恭僖。

鄧守恩。并州人。十歲以黃門事太宗。淳化中盜起。成都浚王繼恩往討之。至道初。就護西蜀屯兵。咸平初。為入內班。契丹入寇。命石保吉為鎮定都部署。以守恩為都監。踰年入掌驂驥院。會龍騎叛卒。剽劫環慶。遣守恩擒翦之。景德初。為澶州都巡檢。又使環慶及成蘆等州巡察。事大中祥符初。按獄於濮州。雪冤人十餘。預監脩玉清昭應宮。會靈觀七年。又兼修真觀殿。景靈宮。累遷入內高品。供奉官。宮成。遷內殿承制。八年。預修大內。改

西京作坊副使九年營造皆畢授東染院使充會靈觀都監天禧二年掌軍頭引見司又修祥源觀成遷崇儀使三年授入內押班河決滑州命為修河鈐轄郊祀召為行宮使改如京使復還本任四年春河溢故道遷文思院使歸朝加領昭州刺史是秋掌皇城國信二司整肅禁衛遷入內副都知會建天章閣命領其事又勾當資善堂兼太子左右春坊司守恩長七尺餘命狀貌甚偉泣事幹敏以強果稱于時五年卒年四十八贈淄州防禦使錄其子官

論曰左右近習其才足以受知於主則必足以立威於外世

主不察而任之。恭惟禍將有不可言者矣。宗自太宗以來。時取典兵。覈獄察吏。觀風之任。委之閤人。而其才諳亦每每足以集事。然承翰名在五鬼。紹欽苛虐少恩。全彬用治喪故。驟得美遷。崇貴繼能。直因私憾。橫肆訐誣。知而不問。出而聽其自陳。刑賞不幾頓乎。嗚呼。秉讓徇公如劉承規。猶以伺察使人畏。其餘不足尤已所幸。主皆英明。故不大至決裂耳。

歷代內侍考卷之十一

宋

秦翰

秦翰字仲文真定獲鹿人十三為黃門開寶中遷高品太平興國四年崔彥進領眾數萬擊契丹翰為都監以善戰聞太宗因加賞異謂可屬任雍熙中出為瀘州駐泊仍管先鋒事遷入內殿頭高品鎮定高陽關三路排陣都監淳化四年補入內押班趙保忠叛命李繼隆率師問罪翰監護其軍次延州翰慮保忠遁逸即京驛先往矯詔安撫以緩其陰計王師至翰又諷保忠

以地主之禮郊迎。因並驅而出。保忠則就擒。以功加崇儀副使。至道初。為靈州慶州清遠軍四路都監。真宗即位。加洛苑使。入內副都知。咸平中。河朔用兵。以為鎮定高陽關排陣都監。敗契丹於莫州東。追斬數萬。盡奪所掠老幼。詔褒之。徙定州行營鈐轄王杓之亂。為川陝招安巡檢使。時上官正與石普不協。翰恐生事。為撓譬和解之。親督眾擊賊。中流矢不却。五戰五捷。遂克益州。上手札勞問。翼日進至廣都。斬首千餘級。獲馬數千匹。歸朝。避內園使。領恩州刺史。出為鎮定高陽關前陣鈐轄。又徙後陣。破契丹二萬眾於威虜軍西。俘其鐵林大將等十五人。又為

邠寧涇原路鈐轄兼安撫都監率所部按行山外召戎落酋帥
諭以恩信凡三千餘帳相率內附未幾康奴族拒命翰與陳興
許均深入擊之斬級數千焚其廬帳獲牛馬甚衆復與陳興曹
瑋襲殺董埋軍主于武延鹹泊川詔書加獎賜錦袍金帶白金
五百兩帛五百疋景德初車駕將北巡先遣翰來傳往澶魏裁
制兵要許便宜從事俄克邠洛路鈐轄與大軍會德清軍張琦
角之勢又詔為駕前西面排陣鈐轄官勾大陣翰即督眾環城
浚溝洫以拒契丹功畢契丹兵果暴至翰不脫甲胄七十餘日
契丹乞和凱旋留泊澶州月餘令率所部還京師加宮苑使入

內都知出為涇原儀渭鈐轄先是西部無藩籬之蔽翰視度要害鑿巨塹計工三十萬役卒數年而成不煩於民就遷皇城使入內都知以翰在邊久宣力勤盡特置是名以寵異焉翰表讓不聽大中祥符初求還東封手詔諭以西垂委任之意改將宣使又為群牧副使祀汾陰是歲夏州屬戶有擾境上者即日遣翰往隄上按視遍巡邊鄙及翰至事寧復還扈從凡行在諸司細務悉令裁決不須申覆禮畢加領平州團練使奉祀亳州掌如汾陰八年營葺大內詔翰參領其事閏六月暴卒於內庭之廨年六十四上甚悼惜為之泣下贈興州觀察使賻襚加等修

內畢詔遣使以襲衣金帶賜其家。翰個儻有武力，以方略自任。前後戰鬪，身被四十九創。李繼遷之未賓也，翰因使常出入其帳中，無疑間。嘗白太宗言：「臣一內官，不足惜。願手刺此賊死，無所恨。」太宗深嘉其忠。翰性溫良，謙謹接人，以誠信。群帥有剛狠不和者，翰皆得其歡心。輕財好施，與將士同休戚，能得衆心，皆樂為用。其歿也，禁旅有泣下者。九年，重贈彰國軍節度使，謚楊億，撰碑文，億以其不蓄財，表辭所贊物，雖朝廷不許，而特論美之。子懷志，內殿崇班。

論曰：宋沿唐制，率以內侍監軍督戰，其以勇畧自雄者，特亦

有之。若夫和輯群帥，恩結衆心，而家不蓄財，則惟秦翰獨爾。
翰其內侍中之賢武穆哉！一時將士生而樂為之用，歿而泣
下，此足以知翰已。

周懷政

周懷政并州人父紹忠以黃門事太宗從征河東得懷政於亂屍間養為子給事禁中累至入內高品太宗祥符初真宗東封命修行宮頓迎及奉泰山天書馳驛赴闕轉殿頭天書每出宮與皇甫繼明並為夾侍東封禮成與內殿崇班康宗元留泰山修園堦轉入內西頭供奉官祀汾陰轉東頭六年劉承規卒擢內殿崇班入內押班勾當皇城司會朝謁太清宮與閤承翰等同管勾大內事七年奉天書摹刻於乾元殿為刻玉都監又為修兗州景靈宮太極觀都監俄遷內殿承制是冬命起居舍人

知制誥盛度為會真宮醮告使懷政為都監還為玉清昭應宮
都監兼掌景靈宮會靈觀使刻玉成遽如京副使九年建資善
堂以懷政為都監壽丘宮觀成優賜襲衣金帶還崇儀使天禧
大禮又為修奉寶冊都監加領長州刺史是冬遷洛苑使二年
春遷左藏庫使仁宗為皇太子命為入內副都知管勾左右春
坊轉左驤驎使三年領英州團練使加昭宣使懷政日侍內廷
權任尤盛於是附會者頗眾往往言事獲從同列位望居右者
必排抑之中外帑庫皆得專取因多入其家性識凡近酷信妖
妄有未能者本單州團練使田敏廝養為人凶狡遂賂懷政親

信得見。因與侍卒姚斌妄談神怪。以誅之。懷政大惑。援能至御藥使。領階州刺史。俄於終南山修道觀。與劉益輩造符命。託神言國家休咎。否臧大臣及寇準。鎮永興。能為巡檢。倚準舊望。欲實其事。準好勝。喜其附已。多依違之。朝臣屢言懷政之妄。真宗含忍不斥。然漸疎遠之。懷政憂懼。時使小黃門自禁中出。詐稱宣召。入內東門。坐別室。久之而遠。以期同類。會準為相。踰年而罷。懷政愈畏。獲譴不自安。四年七月。與弟禮賓副使懷信謀潛召客省使楊崇勳。內殿承制楊懷吉。閤門祇候楊懷玉。會皇城司期。以二十五日竊發。殺丁謂等。復相寇準。奉真宗為太上皇。

傳位太子前夕崇勲懷吉詣丁謂第密告之謂即夜偕崇勲懷吉至曹利用第計議翌日利用入奏真宗怒命收懷政令宣徽北院使曹瑋與崇勲於御藥院鞠訊具伏帝坐承明殿臨問懷政但祈哀而已命斬於城西普安寺父內殿承制紹忠及懷信並杖配復岳州子侄勒停貲產沒官未能父左武衛將軍致仕謬母周氏罰銅百斤子守昱守吉分配邵蔡道州懷政僕使親泣並杖配海島遠州部下使臣貶秩有羌懷政之未敗也紹忠嘗語之曰斫頭墜子終累我懷信謂之曰兄前事必敗亟早詣上首寔庶獲輕典及其謀亂又泣拜止之不聽故皆得免死右

街僧錄澄遠以預聞妖詐決杖黥配郴州內供奉官譚元吉高
品王德信高班胡允則黃門楊允文與懷政協同妖妄皆杖配
遠州入內押班鄭志誠與能書問往還削兩任配房州入內供
奉官石承慶嘗為懷政所召夜二鼓不下皇城門鑰以待黃門
黃守忠見之戒門卒勿納至是言其事承慶坐削兩任配宿州
楊懷玉次日始詣樞密院自陳責授侍禁杭州都監擢崇勳內
客省使桂州觀察使懷吉如京使賜以金帶金銀懷政既誅亟
遣入內供奉官盧守明鄧文慶馳驛永興捕朱能劉益李貴康
王唐信道士王先張用和悉免死配遠州能偵知使者至表甲

出殺守明以叛詔遣內殿承制江德明入內供奉官于德潤發
兵捕之能入桑林自縊死永興乾耀都巡檢供奉官李興本軍
十將張順斷能及其子首以獻補興閤門祇候順牢城都頭以
劉益等十一人黨能害中使磔于市王先李貴唐信張用和八
人皆處斬能母妻子弟皆決杖配隸閤門祇候穆介知永興軍
府朱巽轉運使梅詢劉楚知鳳翔府臧奎等坐與懷政能交結
相稱薦皆論罪降寇準太常卿再貶道州凡朝士及永興鳳翔
官吏與準厚善者悉降黜焉

論曰周懷政鄙夫耳起亂屍閤獲侍官禁幸矣及怙權寵遂

不勝患失而欲廢置君相以快其不肖之心卒蒙大謬夫非
其自擻者邪嗚呼人望如寇平仲而幾為懷政所誤臨於不
測鄙夫可興事君也與哉

楊守珍

楊守珍字仲寶開封祥符人爲入內黃門習書史學兵家方略善射家僅過堂下一發貫髻人服其精選爲環城路走馬承受公事契丹謀入塞爲鎮定高陽關行營同押先鋒事會許民周繼宗爲人誣告與外夷交通干證者六十人辭服遣守珍覆問悉辯理出之徙真定保趙等州駐泊都監邕桂等十州安撫都監從曹克明降撫水州蠻寨二棚以扼其要天禧初擒盜於青灰山累遷西京作坊使帶御器械永興軍兵馬鈐轄徙真定分寧路爲內侍省內侍押班提點內弓箭軍器庫進內園使右班

都知領端州刺史。嘗侍仁宗。苑中命乘馬馳射。賞其便習。賜錦袍。卮酒。卒。贈原州防禦使。

論曰。書稱罪疑惟輕。夫疑且輕之。而況明知其誣者乎。顧交
通外夷。重典也。周繼宗之獄。證者既繁。有徒而辭。亦具服矣。
楊守珍。雅好方畧。稍有窺造。啟釁之思。或懼失出之罰。繼宗
寧得免焉。而毅然出之。噫。若守珍者。豈獨庸中佼佼已邪。

韓守英

梁泛吉

劉惟簡

盧守懃

李祥

韓守英字德華開封祥符人初為入內高品從征河東數奉詔至石嶺關督戰取隆州遼殿頭久之以西頭供奉官擢入內侍押班遼副都知隨王繼恩招安西川為先鋒戰於劔門有功遷西京作坊使劔門都監遂勾當三班院進入內侍都知歷定州鎮定高陽關并代路兵馬鈐轄契丹圍岢嵐軍守英與鈐轄張志言知府州折惟昌帥所部渡河抵朔州以牽賊勢遂破狼末砦俘數百人獲馬牛羊鎧甲以數萬計賊為解去賜錦袍金帶俄領會州刺史解都知再遷召宣使復領三班出為廊延

路都鈐轄徙并代路。建言本路宿兵多，百姓困於飛輓。今幸造
部無事，請留騎軍千餘人，悉徙內地。真宗曰：「遣臣能體朝廷恤
民之意，宜詔諸路視此行之。」提舉在京諸司庫務勾當皇城司
為趙德明官告使，歷宣政宣慶二使，內侍左班都知，領獎州團
練使，雅州防禦使，入內都知，管勾修國史，書成進景福殿使。又
為延福宮使，入內都知，淺提舉諸司庫務，卒。贈宣國軍節度觀
察，留後。

梁浚吉，字君祐，開封人。補入內高班。王則反，奉命宣慰，遂言小
寇無多慮，諸將之兵足以肅除。若得重臣統其事，不崇朝可平。

矣於是仁宗以文彥博為安撫招討使賊平又奏請分河北為
路每以一帥府統之遂建魏鎮定瀛四帥熙寧初為邠寧環慶
路駐泊兵馬鈐轄夏人寇大順城圍慶州七砦延吉率兵八百
餘人與戰獲其酋領又討平寧州叛卒以功升都鈐轄累官皇
城使延高遵裕至寧武督士卒攻城身被創甚進入內押班遷
永州團練使為副都知元祐中卒贈成德軍節度使謚曰敏恪
劉惟簡開封人由入內黃門積官至昭宣使康州刺史高陽關
路兵馬都監為入內押班英宗初立惟簡自河北來朝請對寢
門內謁者難之獨引見皇太后惟簡立福寧殿下而沾衣不退

帝起坐幃中望見呼問曰諸路如汝者幾人何以獨來對曰陛下新即位臣來自邊塞未瞻天表不敢輒還不知其他帝歎曰小臣知所守如此識其姓名屏間他日神宗覽所題屏擢幹當近福宮自是蒙親信交人叛詔馳驛至桂州審視事勢遂言帥臣劉彞貪功生事罪當誅乾德狂童頸不足繫帝信之郭逵趙高南征以為行營承受逵高被謫惟簡亦奪一官陝西五路師還受命撫犒士卒以疾先還者不賜惟簡心知其不便至慶州疏言士卒不幸以將臣上達聖畧糧食不繼逃生以歸其情可貸今同立庭中而不預賜恐患生倉卒帝用其言均予之又使

按閱河北保甲振濟京西水災參定諸陵薦獻既而為言者所劾擯不用哲宗在藩時惟簡奔奏服勤及親政召至左右以內侍押班卒贈昭化軍留後

盧守懃字君錫開封祥符人自入內內品累遷禮賓使邠寧環慶路鈐轄還為入內侍省押班領昌州刺史明道中改葬章懿太后而舊藏有水以守懃嘗典葬事罷為永興軍兵馬鈐轄徙鄜延路再遷六宅使加貴州團練使進榮州防禦使兼邠寧環慶路安撫都監元昊寇保安軍守懃率兵擊走之特遷左驍驍使移陝西鈐轄初劉平石元孫被執守懃撫膺涕泣不敢出

入嘗易蕃官馬延州通判計用章勸范雍棄城將保鄜州雍欲
遣安撫都監李康伯往說賊不肯行賊去而守懃用章更相論
奏知制誥葉清臣以守懃擁兵觀望請正其罪并按二人守懃
久之復恩州防禦使遷利州觀察使歷真定府宣州北京路鈐
轄以左衛大將軍致仕卒贈保順軍節度使謚安恪養子昭序
李祥開封人為入內黃門資驍銳善騎射用材武中選授涇原
儀渭同巡檢范景思立於河湟以功遷內殿崇班為河州駐泊
兵馬都監范郭遠討交趾駐富民江賊兵大至與涇原將姚兕
力戰敗之遷皇城使鎮戎軍沿邊都巡檢使范劉昌祚征靈武

議功加沂州團練使。或言所部兵失亡多降。簡州刺史權熙河
蘭會路都監。總岷州兵。夏人攻蘭州。祥赴援。保險待變。數日虜
徹圍去。復圍練使。進階州防禦使。從神誼襲鬼章有功。升兵馬
都鈐轄。在熙河二十餘年。以宣慶使內侍押班卒。

論曰。宋內侍典兵者。若韓守英之恤民。梁從吉之料賊。皆不
負任使者也。李祥雖有失亡之過。而時時奏功。亦足相準。虛
守懃蓄。縮觀望。僅存防禦使。而旋即復之。且獲贈謚賞。不幾
於濫乎。劉惟簡當新主踐祚。來自遠塞。而內謁者顧獨引見。
太后則兩宮交構。有自來矣。然惟簡而中之立。意在微示左

祖令帝知之以激後福耳豈真能知所守者哉觀其後服勤
藩邸受知哲宗則其術固已結三朝矣

藍繼宗 張惟吉 井昭吉 李舜舉

藍繼宗字承祖廣州南海人事劉鋹為宦者歸朝年十二遽為
中黃門從征太原傳詔營陳間多稱旨秦州並邊大小洛門砦
自唐末陷西晃雍熙中溫仲舒諭酋豪使獻其地徙衆渭北言
者以為生事請罷仲舒太宗遣繼宗往按視還奏二砦據要害
產良木不可棄帝悅復使繼宗勞賜仲舒累遷西京作坊使副
勾當內東門元德太后章穆皇后葬為按行園陵使車駕北征
勾當留司皇城司車駕謁諸陵近陵舊之水繼宗疏泉陵下百
司從官皆取以濟擢入內府都知為天書扶持都監詔與李神

祐第東封扈從內臣之勞而入內供奉官范守遜等訴其不公
罷都知祀汾隄復為天書扶持都監再遷東染院使明年領惠
州刺史進崇儀使勾當皇城司脩玉清昭應宮與劉承珪典工
作宮成遷洛苑使高州團練使充都監坐章穆皇后陵隧墊貶
如京使典修景靈宮進南作坊使復修會靈祥源觀車駕幸毫
州管勾留司大內公事提舉在京諸司庫務勾當三班院修國
史院為趙德明加恩使德明與繼宗射繼宗每發必中德明遺
以所乘名馬為內侍省右班都知遷入內都知仁宗即位遷左
驤驎使忠州防禦使永定陵修奉鈐轄歷昭宣宣政宣慶使累

上章求致任特免入朝拜舞及泛行幸頃之後固請罷都知以
景福殿使邕州觀察使家居養疾卒贈安德軍節度使謚僖靖
繼宗事四朝謙謹自持每領職未久輒請罷家有園池退朝即
亟歸同列式留之繼宗曰我欲歸種花卉弄游魚為樂爾景福
殿置使自大中祥符間至繼宗授者纔三人養子元用元震元
用終左藏庫使梓州觀察使元震以兄蔭補入內黃門轉高班
給事明肅太后禁中夜火后擁仁宗登西華門左右未集元震
獨傳呼宿衛以功遷高品為三陵都監條列防守法其後諸陵
以為式歷群牧都監監三館秘閣積官皇城使累遷入內副都

知忠州防禦使仙韶院火元震救護火以時息詔褒之賜襲衣金帶卒贈鎮海軍留後元震養子五人不畜鬪子

張惟吉字祐之開封人初補入內黃門遷殿頭高陽關路支馬承受公事護塞滑州天臺埽役遷西頭供奉官監在京權貨務知嘉州張約以贓敗詔與御史王軫往劾其獄還領內東門司為修奉章獻章懿太后二陵承受時議復用李諮權茶筭緡法乃以惟吉為內殿崇班復監權貨務凡內侍領內東門次遷勾當御藥院而惟吉纔進官眾以為薄惟吉欣然就職再拜以羨餘遷承制為趙元昊官告使還言元昊驕僭勢必叛請預飭邊

備及元昊寇延州遣按視延廊瑑廢兩路器甲并訪攻守利害敵既退夏竦韓琦謀自廊延深入乘虛擊之命惟吉莠并汾饒勇副以土兵輕齎赴河外惟吉以為我師當持重伺變不宜馳赴不測以自困已而元昊果引去還奏請旨領皇城司遯內侍省押班群牧都監簡陝西冗兵領軍頭引見司遯供備庫使盡汰軍頭司軍校之罷廢者同提舉在京諸司庫務領恩州刺史為入內都知商湖決為澶州修河都鈐轄轉運使施昌言請亟塞崔嶧以為歲災民困役宜緩命惟吉按視言河可塞而民誠困財用不足宜少待之從其議遯如京使果州團練使復領皇

司^城卒惟吉任事久頗見親信而言弗阿。狗張貴妃薨將治喪皇
儀殿諸宦官皆以為可獨惟吉曰此事于典禮須翌日問宰相
既而宰相不能執議惟吉深以為非贈昭信軍節度觀察留後
逾月又贈保順軍節度使謚忠安養子若水字益之以惟吉奏
補小黃門給事章惠太后殿轉入內高品王師平貝州征懷賊
皆以幹敏選為走馬承受賊平以勞進官三遷環慶路鈐轄討
環州解也曰族後有功歷帶御器械內侍押班副都知熙寧初
造神臂弓成神宗御延和殿臨閱置鐵甲七十步俾衛士射未
有中者若水自請射連中徹札建慶壽寶慈兩宮典領工作再

遷嘉州防禦使以病辭職領輝州觀察使提舉四園苑諸司庫使卒贈天平軍留後

其昭吉字祐之開封人初以內侍殿頭為英韶州巡檢捕盜有功再遷內殿崇班京東路都巡檢齊州武衛小校馮坦率營卒二百突入州廳事欲為變昭吉單騎馳往戒所泛將士操兵在外先獨見亂卒諭以禍福令推首惡自贖眾疑沮不敢動已而操兵者皆入即共執十餘人告曰此誘我者也昭吉立殺之縱其餘去州以無事特遷供備庫副使帶御器械後內侍省押班關仁宗記前功特以授之選入內副都知英宗即位之久昭吉

直禁中訓衛有勞自文思副使超遷供備庫使康州刺史昭吉
奏曰臣本孤微無左右之舉而先帝知臣朴直自小官拔用至
此分當送葬今願得洒掃陵寢足矣帝愛其忠特授永昭陵使
加如京使還朝表辭職以左龍武軍大將軍致仕卒昭吉敦實
慎密人士稱之

李舜舉字公輔開封人世為內侍曾祖神福事太宗以信謹終
始舜舉少補黃門仁宗使督工治金為器既成有羨數并上之
帝嘉其不欺出為秦鳳路走馬承受英宗立奏事京師會帝不
豫內謁者止之宮門舜舉曰天子新即位使者從邊方來不得

一見而去何以慰遠人謁者以聞亟召對帝意良悅因言承受
公畢以察守將不法為職而終更論最乃使帥臣保任乞免之
遂刪舊制熙寧中歷幹當內東門御樂院講筵閣寶錄院郭逵
討交州以為廣西幹當公事軍中之政得與講畫或疾置入朝
稟受成筭會逵貶亦降左藏庫副使以文思院使領文州刺史
帶御器械進內侍押班制置涇原軍馬五路師出無功議再舉
李憲督饋糧言受密詔自都轉運使以下三軍興者皆聽斬民
懲前日之役多死於凍餒皆憚行出錢百緡不能雇一夫相聚
立柵山澤不受調吏往逼呼輒毆擊解州至絳縣令以督之不

能集。舜舉入奏其事。乃罷兵。退詣中書。王珪迎勞之曰。朝廷以
造事屬押班。及李留後。無西顧之憂矣。舜舉曰。四郊多壘。此卿
大夫之辱。相公當國。而以造事屬二內臣可乎。內臣止互供禁
庭灑掃之職。豈可當將帥之任。聞者代珪慚焉。轉嘉州團練使。
沈括城永樂。遣舜舉計議。被圍急。斷衣襟作奏曰。臣死無所恨。
願朝廷勿輕此賊。尋以死聞。贈昭信軍節度使。謚曰忠敏。舜舉
資性安重。與人言未嘗及官省事。頗覽書傳。能文辭。筆札在御
藥院。十四年。神宗嘗書李舜舉公忠奉上。恭勤檢身。始終惟一。
以安。以榮。十九字賜之。

論曰自世味之中人也士雖高明者特猶染指重名節而輕爵祿代不數人況閤官日侍禁闥耳目之所睹聞靡非富貴容也謂宜濡染不能自拔而繼宗屢辭權任託興園池惟吉欣就薄選昭吉願奉陵寢皆庶幾知止足之義矣至如殿廷治貴妃喪獨惟吉一人以為不可則時寧謝其風烈焉李舜舉夙夜奉公死而後已亦左璫之憲者哉跡其面折王珪意彼胷中必不以將帥為榮矣獨惜其愛一通天之辱幾涖禔陵仁民之雅惠耳

李憲 宋用臣 王中正 石得一

李憲字子乾，開封祥符人。皇祐中，補入內黃門，稍遷供奉官。神宗即位，歷永興、太原府路走馬承受，數論邊事，合旨。幹當後苑王韶上書請復河湟，命憲往視師，與韶進收河州，加東染院使。幹當御藥院復戰牛精谷，拔珂諾城為熙河經略安撫司。幹當公事，按視廊延軍制，行至蒲中，會木征，合董氈鬼章之兵，攻破踏白城，殺景思立，圍河州。詔趣赴之，憲馳至軍，先是朝廷出黃旗書赦諭將士，如用命破賊者倍賞。於是憲晨起帳中，張以示衆曰：「此旗，天子所賜也。視此以戰，帝實臨之。士爭呼用命以進。」

督諸將傍山焚旗帳即日通路至河州賊餘衆保踏白官軍出
與戰大破之進至餘州又破賊堡十餘水征率酋長八十餘人
詣軍門降捷聞以功加昭宣使嘉州防禦使還為入內侍省
押班幹當皇城司安南叛副趙鼎招討未行鼎建言朝廷置招
討副使軍事須共議至節制就令即宜歸一憲銜之由是屢紛
辨遂罷憲而令乘驛計議秦鳳熙河邊事諸將皆聽節度於是
御史中丞鄧潤甫御史周尹蔡承禧彭汝礪極論其不可又言
鬼章之患小用憲之患大憲功不成其禍小有成功其禍大章
再上勿聽冷難朴誘山後生羌擾邊水征請自効衆以為不可

憲曰何傷乎。羌人天性畏服貴種。聽之往。水征盛裝以出。衆尊視皆無聞志。師乘之。殺獲萬計。斬冷難朴。董種懼。即遣使奉贄効順。加宣州觀察使。宣政使入內副都知。又遷宣慶使。時用兵連年。度支調度不繼。詔憲兼經制財用。裁冗費。什六歲運西山巨木。給京師營繕。賜瑞應坊園宅一區。元豐中。五路出師討夏國。憲領熙秦軍至西市新城。復蘭州城之。請建為帥府。帝又詔憲領兵直趣興靈。董種亦請欲往。宜乘機協力。入掃巢穴。若興靈道阻。即過河取涼州。乃總兵東上。平夏人於高川石峽進至屈吳山。營打囉城。趨天都。燒南牟府庫。次葫蘆河而還。憲既不

能至靈州董氈亦失期師無功憲欲以開蘭會邀功弭責同知
樞密院孫固曰兵法期而後至者斬況諸路皆至而憲獨不行
不可赦帝以憲猶有功但令誥還之由憲以餽餉不接為辭
釋弗誅復上再舉之策兼陳進築五利且泛之會李~~璣~~舉入奏
具陳師老民困狀乃罷兵趣憲赴關道賜銀帛四十為涇原經
略安撫制置使給衛三百進景福殿使武信軍留後使復還熙
河仍兼秦鳳軍馬夏人入蘭州破西阻降宣慶使憲以蘭州乃
西人必爭地眾數至河外而相羊不進意必大舉乃增城守塹
壁樓櫓具備明年冬夏人果大入圍蘭州步騎號八十萬眾十

日不克糧盡引去。又詔憲遣間諭阿里骨結等，且選騎度河與賊遇破之。坐妄奏功狀罷內省職事。哲宗立，改永興軍路副都總管，提舉崇福宮。御史中丞劉摯論憲貪功生事，一出欺妄，避興靈會師之期，頓兵以城蘭州，遺患至今。永樂之圍，逗遛不急赴援，降宣州觀察使。又貶右千牛衛將軍，分司南京，居陳州。卒。年五十一。紹聖元年，贈武泰軍節度使。初謚敏恪，改忠敏。憲以中人為將，雖能拓地降敵，而罔上害民，終貽患中國云。

宋用臣字正卿，開封人。為人有精思，彊力。以父蔭隸職內省。神宗建東西府，築京城，建尚書省，起太學，立原廟，導洛通汴，凡大

工役悉董其事性敏給善傳詔令故多訪以外事同列悉藉以進朝士之乏廉節者往往謫附之權勢震赫一時積勞至登州防禦使加宣政使元祐初言者論其罪降為皇城使謫監滁州太平州酒稅四年主管靈德觀紹聖初召為內侍押班進瀛州刺史徽宗即位遷蔡州觀察使入內副都知為永泰陵修奉鈐轄卒陵下贈安化軍節度使謚僖敏謚議謂用臣為廣平宋公有天子念公之勞久徙於外之語豐稷論奏以為凡稱公者皆須耆宿大臣與鄉黨有德之士其曰念公之勞久徙於外斯乃古周公之事於用臣非所宜言也止令賜謚論者是之

王中正字希烈開封人因父任補入內黃門遷赴延福宮學詩
書曆算仁宗嘉其才命置左右慶曆衛士之變中正援弓矢即
殿西督捕射賊悉就擒時年甫十八人頗壯之遷東頭供奉官
歷幹當禦藥院廊延環慶路公事分治河東邊事破西方有功
帶御器械神宗將復熙河命之規度還言熙河譬乳虎扼玉來
爪牙亦備可取也遂從王韶入熙河治城壁守具以功遷作坊
使嘉州團練使擢內侍押班吐蕃圍茂州詔率陝西兵援之圍
解自石泉至茂州謂之隴東路土田肥美西羌據有之中正不
能討乃因吐蕃入寇言其路經靜州等族榛僻不通通年商旅

稍往來故外蕃因以乘間縣至綿興茂道里均而龍安有都巡
檢緩急可倚伏請割石泉歸綿而窒其故道沒之隴東遂不可
得還使熙河經畫鬼章進招宣使入內副都知元豐初提舉教
畿縣保甲將兵捕賊盜巡檢獻民兵伍保法請於村疇及縣以
時閱習悉行其言復往廊延環慶經制總事詔凡所須用度令
兩路取給無限多寡既行又稱面受詔所過募禁卒願沒者將
之主者不敢違問罪西夏以中正簽書涇原路經畧司事詔五
路之師皆會靈州中正失期糧道不繼士卒多死命權分屯廊
延並邊城砦以俟後舉自請罷省職遷金州觀察使提舉西太

一宮生前貶秩元祐初言者再論其將王師二十萬公違詔
書之罪劉摯比中正與李憲宋用臣石得一為四出又貶秩兩
等久之授舉崇福宮紹聖初復嘉州團練使卒年七十一
石得一開封人為內侍黃門累官內殿承制神宗時帶御器械
管幹龍圖天章寶文閣皇城司四遷入內副都知元祐初領成
州團練使罷內省職御史劉摯言得一頑愎皇城恣其殘刻縱
逋邏者所在暴布張弮設網以無為有以虛為實朝廷大吏及
富家小人飛語朝上落入狴犴上下惴恐不能自保至相顧以
目者殆十年坐降左藏庫使卒紹聖中贈隨州觀察使

論曰夫開邊釁作威福人臣之大戒而王法所必繩者也神宗
銳志啟疆遂以將權委之閑官而李憲王中正攘臂師中藉口
受詔恣意驍騷靈州之會並以觀望失期罪在罔赦矣用臣得
一威福自擅論者目為四凶而卒免於竄殛此宋之所以終於
不競也

王守規

馮世寧

李繼和

蘇利涉

王守規真定樂城人入內都知守忠之弟也守忠事真宗謹愿慎密眷遇最厚明道時守規為小黃門禁中夜半火守規先覺自寢殿至後苑皆擊去其鎖乃奉仁宗及皇太后至延福宮回視所經處已成煨燼翌日執政候起居帝曰非王守規導朕至此幾不與卿等相見以功遷入內殿頭選治京城水決汴河於公賈村決蔡河於西里橋水患以息加帶御器械積官至宣慶使康州防禦使內侍右班副都知卒年六十七贈昭武將軍留後

馮世寧字靜之。以入內黃門累遷昭宣使。忠州團練使入內押班。楊國公主寢疾。哲宗欲夜出問訊。世寧執言不可。帝雖微忤。卒為之改容。再遷景福殿使。明州觀察使至。副都知崇寧新宮名世寧。首知入內侍省事。禁中夜火。使宿衛士撲滅之。既寔。令自他途出。蓋不欲使知宮省曲折也。徽宗賞歎。進感德軍留後。政和初。以內客省使彰化軍留後。致仕。世寧入禁闥六十年。循謹無過。卒年六十七。贈開封府儀同三司。謚曰恭節。李繼和開封人。以父任為內侍黃門。廢曆中為河北西路承受。保州兵叛。塞城門距守。官軍重圍之。不得入。繼和獨上南門。

密呼所結內應者諭以禍福衆言俟李昭亮至即斬關自歸已而果然賊平遷兩秩王則反貝州為城下走馬承受沙苑關馬詔秦州置場以券市之繼和領職不數月得馬千數而人不援舊制內侍入仕三十年始得磨勘至是乃令以勞進官者無拘於年環州弓箭手歲時給酒州將不與衆誼訴亟闔府門不敢出繼和步入衆中譬曉之曰汝曹為一杯酒遂喪命乎衆悟散去事聞擢帶御器械累遷宣慶使文州團練使入內副都知卒子從善援例求贈官神宗曰此弊事也繼和無軍功何必贈自是為定制云

蘇利涉字公濟。祖保遜。自廣州以閩人。泛劉鋹入朝。利涉初為入內內品。慶曆中。衛士之變。以護衛有勞。賞激加等。英宗為皇子。利涉給事東宮。及即位。遷東頭供奉官。欲以為穎王府都監。力辭。幹當御藥院。遷供備庫使。帝不豫。侍醫藥最勤。言輒流涕。及帝崩。乞與醫官同貶。三上表待罪。不許。神宗即位。授漳州刺史。歷內侍押班。副都知。轉海州團練使。僊韶院火。營救甚力。賜襲衣金帶。卒。年六十四。贈奉國軍節度使。謚曰勤僖。利涉嘗幹當皇城司。循故事。廂卒邏報。不皆以聞。後石得一代之事。無巨細。悉以奏。往往有緣飛語受禍者。人始以利涉為賢。

論曰王守規等救災弭變功皆足錄而李繼和以未立軍功獨靳其贈靳之誠是也而以無軍功靳則非矣夫中官也何必有軍功如以功論則下保州之城定瑗州之譟者獨不得比於軍功也邪蓋神宗志勤遠略微開邊決戰即不以軍功見錄耳其後童貫卒以討賊疏王爵則神宗一言貽之禍哉

史志聰 武繼隆

宋仁宗嘉祐二年春正月帝方視朝疾暴作趣扶入大內時三皇子皆早夭雖育宗室子宮中皆出外邸未嘗顯然正名之也中外意汨汨相文彥博呼內都知史志聰問帝所患狀對曰中禁秘不敢言彥博叱之曰爾曹出入禁闥乃不令宰相知天子起居欲何為耶自今疾勢增損必以告不且行誅先是相富弼用李昌言策自澶州商湖穿六塔渠北京留守賈昌言素惡弼欲傾之陰結內侍武繼隆令司天監二人言國家不當穿河於北方致上體不平又言當請皇后同聽政彥博視而袖之徐行

詰厲聲曰天文變異爾職也當言國大事於爾何預而妄言可
斬也司天官恠失錯謝罪死彥博直視者久之徐少齊曰吾觀
汝直庸妄人耳未忍遽法汝自今謹勿為此矣叱之去既而遣
司天官詣六塔相河道即遣上言者往繼隆白不可彥博曰彼
本何敢妄言有教之者耳繼隆矍然不敢對而其人至六塔恐
得罪還更言六塔在京東北非正北不害當是時京師業々頗
彥博而定

論曰昭陵偶疾皇儲未定中外汨汨微文潞公者殆矣然當
是時宰相之力猶能制馭內臣陵夷至於建中靖國則狐馮